

Newyddion a gwybodaeth i Gymru gan:

Cyngor Gweithredu Gwirfoddol Cymru
Ty Baltig House, Sgwar Mount Stuart,
Bae Caerdydd, CF10 5FH
Lein Gymorth 0800 2888 329 www.wcva.org.uk



Yr alwad olaf ar gyfer Gwobrau Rhwydwaith Cymru

Anogir pobl i gyflwyno eu henwebiadau ar gyfer cynllun gwobrau Cymru gyfan os ydynt yn credu y dylai mudiad gwirfoddol y maen nhw'n ei edmygu gael cydnabyddiaeth.

Cyflwynwyd categori newydd ar gyfer Gwobrau Rhwydwaith Cymru 2010, sef grwpiau sy'n ymwneud ag iechyd, gofal cymdeithasol a lles, gyda'r nod o dynnu sylw at y gwaith mae'r trydydd sector wedi'i wneud yn y maes hwn.

Y dyddiad cau ar gyfer enwebiadau am y gwobrau hyn, a gefnogir gan Class Telecommunications ac a reolir gan WCVA, yw dydd Iau 21 Hydref.

Meddai Constance Adams, Uwch Swyddog Polisi WCVA: 'Pleser o'r mwyaf i WCVA yw cael cyflwyno categori newydd yn arbennig ar gyfer iechyd, gofal cymdeithasol a lles, o gofio'r rôl enfawr mae'r sector yn ei chwarae yn y gwaith o ddarparu gwasanaethau i'n cymunedau.'

Dyma'r categorïau:

- Gwobr Class ar gyfer y cyfathrebu gorau
- Y Wobr werdd
- Iechyd, gofal cymdeithasol a lles
- Y mudiad a edmygir fwyaf

Mae ffurflenni enwebu ar gael yn www.wcva.org.uk. Y dyddiad cau yw 21 Hydref 2010.

Dweud eich dweud am ddyfodol Cymru

Mae Llywodraeth Cynulliad Cymru wedi bod yn gweithio ar ffyrdd o wella'r modd y mae pobl sy'n defnyddio'i gwefan yn cael gafael ar wybodaeth am weithgarwch ymgynghori.

Mae gwybodaeth am ymgynghoriadau cyfredol yn gliriach, a gwahoddir pobl i gysylltu a Chynulliad Cymru i roi eu barn am bob ymgynghoriad.

Bydd pob eitem yn cynnwys disgrifiad manwl o'r hyn sydd wedi'i gynnig, ynghyd a chyfeiriad e-bost a chyfeiriad post er mwyn i'r rheini sydd a diddordeb allu anfon eu sylwadau'n uniongyrchol at Lywodraeth y Cynulliad.

Gall defnyddwyr ymateb i ymgynghoriadau hefyd a chynnig eu barn, a dangosir sawl diwrnod sydd ar ôl nes bydd yr ymgynghoriad yn dod i ben. Mae cynlluniau ar y gweill hefyd i greu fforwm ar-lein sy'n cael ei safoni a fydd yn rhoi cyfle i bobl drafod pob ymgynghoriad.

Mae Llywodraeth y Cynulliad hefyd wedi lansio e-gylchlythyr a anfonir at ei danysgrifwyr, ac ynddo ceir crynodeb o bob ymgynghoriad a doler i bob un.

I weld yr adran wybodaeth am ymgynghoriadau ar ei newydd wedd, ewch i <http://wales.gov.uk/consultations/?skip=1&lang=cy>, ac i danysgrifio er mwyn cael y cylchlythyr, ewch i <http://wales.gov.uk/consultations/consultnewsletter?skip=1&lang=cy>.

Newyddion a gwybodaeth i Gymru gan Gyngor Gweithredu Gwirfoddol Cymru

Cyhoeddi rhaglen seminarau Cyfranogaeth Cymru

Mae Cyfranogaeth Cymru wedi cyhoeddi manylion o'n rhaglen seminarau ar gyfer yr hydref.

Mae'r rhaglen yn cynnwys *Cyfryngau i gynllunio prosiect llwyddiannus i gysylltu â defnyddwyr gwasanaethau*, sydd yn cyflwyno awgrymiadau a chyfryngau ymarferol ar gyfer cynllunio a rheoli eich prosiect i gysylltu â defnyddwyr gwasanaethau, a *Rhwydweithiau cynhyrchiol: sefydlu neu adfywio rhwydwaith*, sydd yn cynnwys syniadau, awgrymiadau a dulliau ymarferol i sefydlu rhwydwaith llwyddiannus neu i ailwampio rhwydwaith sy'n bodoli eisoes.

Bydd y seminarau ymarferol a chyfranogol yma yn galluogi cyfranogwyr i gwrdd a chyfranogwyr eraill o ledled Cymru ac i rannu profiadau, dysgu a chefnogi ei gilydd. Gwahoddir cyfranogwyr i ddo â phrosiect maen nhw'n gweithio arno gyda nhw, neu syniadau ar gyfer prosiectau yn y dyfodol, er mwyn iddynt roi beth maen nhw wedi dysgu ar waith.

Mae llefydd yn £50 ar gyfer aelodau o WCVA a £65 i fudiadau sydd ddim yn aelodau. Gweler www.participationcymru.org.uk/training/seminars

Cefnogi prosiectau a ariennir gan Ewrop

Mae tîm Ewrop WCVA ar gyfer y trydydd sector (3-SET) yn cynnal digwyddiad ym mis Tachwedd er mwyn darparu cymorth ymarferol a chyfluoedd rhwydweithio ar gyfer mudiadau sy'n rhoi prosiectau neu gcontractau ar waith a ariennir gan yr UE.

Mae'r digwyddiad am ddim, ac fe'i cynhelir ym Mharc Cefn Lea yn y Drenewydd ddydd Mercher 17 Tachwedd rhwng 9.30 a 16.30.

Dywedodd Matthew Brown, swyddog 3-SET WCVA: 'Ein nod yw rhoi sgiliau ymarferol newydd i gyfranogwyr a fydd yn eu helpu i wella sut maent yn darparu gweithgareddau a ariennir gan Ewrop.

'Gwneir hyn drwy gynnal gweithdai dan arweiniad arbenigwyr mewn meysydd megis mesur

canlyniadau meddal, cynaliadwyedd mudiad, rheoli risg a themâu trawsbynciol.

'Rydym hefyd yn mynd i hwyluso cyfluoedd i gyfranogwyr ddatblygu cysylltiadau a rhwydweithiau newydd gyda rhai eraill sy'n darparu prosiectau a ariennir gan yr UE er mwyn helpu i adnabod llwybrau cyfeirio cyfranogwyr a gwasanaethau ategol.

'Bydd y digwyddiad yn un ymarferol a gwerthfawr ar gyfer unrhyw fudiad y trydydd sector sy'n gweithio ar brosiectau neu gcontractau a ariennir gan Ewrop.

I gael rhagor o wybodaeth ac i gofrestru am le, cysylltwch â Lein Gymorth WCVA ar 0800 2888 329 neu anfon e-bost at 3SET@wcva.org.uk.



Deddf Cadw Data 1998. Cedwir a phrosesir manylion cysylltu pob un sy'n derbyn yr Atodiad Cenedlaethol gan WCVA ar gyfrifiadur. Defnyddir y wybodaeth gan WCVA i fonitro a hyrwyddo'r sector gwirfoddol yng Nghymru. Datgelir manylion cysylltu i drydydd parti i fod o gymorth yn y broses hwn.

Cyngor Gweithredu Gwirfoddol Cymru, Prif Swyddfa - Ty Baltig, Sgwâr Mount Stuart, Caerdydd, CF10 5FH, elusen gofrestredig rhi 218093, cwmni cyfyngedig drwy warant 425299, wedi ei gofrestru yng Nghymru.

Newyddion a gwybodaeth i Gymru gan Gyngor Gweithredu Gwirfoddol Cymru